

Kontuola

ANTZUOLA / Egubakoitza / 2002ko urtarrilaren 18a / 97. zenbakia

KOORDINATZAILEA: Aintzane Irizar • Barrenkalea, 33 • 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Hirigune historikoa birgaitzeko plan bereziaren aurrerapena jendaurrean dago

AINTZANE IRIZAR

Abenduan aurkeztu zuen Iñaki Berasategi arkitektoak Antzuolako hirigune historikoa birgaitzeko plan bereziaren aurrerapena. Orain, otsail hasierara arte, jendaurrean izango da, nahi duenak alegazio eta proposamenak egin ahal izateko.

Luzea izango da oraindik prozesua. Plana izango denaren aurrerapena besterik ez da Berasategi aurkeztu berri duen proposamena. Aurrerapen horri alegazioak egiteko epea zabalik dago, eta horiek aztertu ondoren onartu beharko dute proposamena. Gero, proposamen zehatzagoa egin beharko du arkitektoak, eta berriro ere jarriko dute jendaurrean. Behin-behineko izaeraz onartu ostean, azkeneko pausoa behin betikoz onartzea izango da.

IRIZPIDEAK ETA IRTENBIDEAK ZEHATZU

Lehendabiziko proposamen hori teknikoek egiten dute. Argi laga behar da Udalak ez duela oraindik dokumentua onartu, teknikoek proposamena besterik ez dela.

Arau subsidiarioen berrikuspenak ere aurrera jarraitzen du; ez dute oraindik behin betiko dokumentua onartu; arauak hainbat gune urbanistikotan banatzen dute herria, horien artean, hirigune historikoa dugu. Hirigune hori arautzeko, plan



Alde zaharra mantendu, babestu eta birgaitzea izango da plan bereziaren helburua.

AINTZANE IRIZAR

Aurkeztu berri duten aurrerapenak hainbat irizpide eta helburu orokor markatzen ditu

berezia eskatzen dute arauak, eta horixe egingo du, hain zuzen ere, plan berezi horrek: edozer konponketa edo lan egin behar dela

Teknikoen proposamena da aurrerapena, Udalak ez du oraindik onartu

ere, hainbat irizpide markatuko ditu, baita hainbat irtenbide zehaztu ere.

Berasategi proposatutako

Plan bereziaren helburua da alde zaharra mantentzea eta, era berean, birgaitzea

aurrerapenak oso irizpide orokorrak markatzen ditu. Helburua da hirigune hori babestu eta mantentzea, baina, era berean, baita

birgaitzea ere, bizilagunen bizi kalitatea eta eraikinen euren kalitatea hobetzeko asmoz. Aurrerapenean hirigunearen antolaketari buruzko irizpideak zehazten dira, batik bat.

HAINBAT PROPOSAMEN

Plazan, Kalebarrenen eta Kalegoin oinezkoei lehentasuna ematearren, ibilgailuen eta oinezkoen gunea bateratzea proposatzen du, bi gune horiek piboteekin edo bestelako elementuekin bereiztuta.

Bestalde, proposamenaren arabera, plaza eta frontoira bidean dagoen plazatxo bateratu nahi ditu.

Errekaren desbideraketa egingo dela suposatuta, eta hori aprobetxatuta, gune urbanizatuak eta egoteko lekuak egitea aurrez ikusten da.

Alde zaharreko hainbat eraikinek kontrari dazkaten garaje edo bestelako eraikinak kentzea ere aurrez ikusten dute. Baita hainbat etxe botatzea eta eraikitzea ere.

Dena dela, esan bezala, aurrerapen horretan batzen diren irizpideak eta irtenbideak orokorrak dira. Hurrengo pausoa izango da, aurrerapena onartzen denean, dokumentu zehatzagoa egitea. Dokumentu horretan alde zaharreko etxe bakoitza banan-banan aztertuko da, eta bakoitzaren inguruko irizpide zehatzak markatu: bota egin behar den edo ez, solairu gehiago egin dakiokkeen edo ez, eta abar.



INDUSTRI MANTENIMENDUA

Jose Gomez Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

LARREA

TABERNA

Kalebarren 17
ANTZUOLA



Jose Luis Zabalo

Birgaitzeak • Fatxadak
Teilatuak
Sukalde eta bainu gelak

Kalegoi 9, 1a., ANTZUOLA.
Tf. 943 76 60 89

GoRoSTi

Taberna

943 76 62 96
Zurrategi plaza
ANTZUOLA

TELEFONO JAKINGARRIAK

OSASUNA/LARRIALDIK

DYA	943 78 71 57
Gurutze Gorria	943 76 55 76
Medikua	943 76 62 23
Praktikantea	943 76 63 80
Udaltzaingoa	943 76 62 46
Ertzaintza	943 76 53 40

UDALA

Udaletxea	943 76 62 46
Liburutegia	943 76 60 65

BESTELAKOAK

Idolaz	943 78 60 12
Herririkastetxea	943 76 62 68
Jubilatuena elkartea	943 76 62 71
Abadetxea	943 76 64 16
Anelkar (Kortxi)	943 78 70 65
Taxiak:	
Antonio Fernández	669 15 65 40
Jesus M. Fernández	607 31 85 60

MEZAK

ANTZUOLAKO PARROKIA

Lanegun eta zapatuetan: 19:30
Domeka eta jaiegunetan: 09:00, 11:30

UZARRAGAKO PARROKIA

Domeka eta jaiegunetan: 10:00

OHARRAK


GAZTETXEKO MATERIAL BILA

Otsailean, gaztetezari buruzko erakusketa egin nahi dute. Horretarako, gaztetezko argazkiak eta bestelako materiala batu nahi dute: pegatinak, kartelak, eskuorriak... Etxean halakorik izanez gero, Amagoia Romerorengana jo dezakezue, edo Miren Urriategiri deitu 656 77 32 86 telefono zenbakira.

KARNABALETARAKO ENTSEGUAK

Hasita daude dagoeneko karnabaletarako entseguekin Oinarin dantza taldekoak. Otsailaren 10ean ospatuko dira ihauteriak Antzuolan. Mutilek sorgin dantza egingo dute, eta parte hartu nahi duenak Andres Arbulurengana jo dezake. Gainerakoek, berriz, Lantzeko ihauterietako dantzak egingo dituzte. Parte hartu nahi dutenak Eguzki auzoko lokalean egiten diren entseguetara joan daitezke, martitzenean, iluntzeko 20:30ean.

BASERRIZBASERRI/ Sarasketa



JAUREGITARRAREN ETXEA

Badirudi XV. mendeko baserria dela, 1499koa da eta Sarasketari buruz dagoen lehen aipamen dokumentala. Baserriaren arkitekturari dagokionez, atzealdean daukan arkua da azpimarragarriena: harlanduzko dobelez egindako arkua da, Azkarate baserriarenaren antzerakoa. Seguruena, XVI. mendekoa izango da arku hori. Esaten dutenez, militar buruzagi bati zor zaio ate horren eraikuntza; dirudienez, etsaien erasoaldietatik eroso irteteko, atzealdeko atetik ihes egiten zuen. Bada-go baserri honi buruzko datu bitxi bat ere: Antzuolan, baserri honetan bildu zen azken gari-uzta, 1983. urtean, hain zuzen ere. XVII. mendetik, Jauregitarrak bizi izan dira hantxe, eta baita gaur egun ere. Honako hauek bizi dira Sarasketan: Juan Francisco Jauregi, Bibiana Guridi eta Marina Jauregi. /AIN-TZANE IRIZAR /ITURRIA: IÑIGO RAMIREZ DE OKARIZEN 'ANTZUOLAKO BASERRIAK ETA ERROTAK'

ANTZUOLAKO HIZKERAN

ESAMOLDEA

• NARRUKUA HARTU

1. Golpea hartzea. *Sekulako narrukua hartu neban lehen-guan.*

2. Ustegabeko erantzuna; jokabidea. *Hortzetakua hartzia edo emotia ere erabiltzen da. Horrek hartu bihar dittu, horrek, narrukuak! Kasu honetan espabilatu beharra daukala esan nahi du.*

ATSOTITZA

• Goizian abogau eta atsaldian abade.

Lan egin nahi ez zuenarentzako horiexek ziren lanik onenak; izan ere, abokatuek arratsaldean egiten zuten lan, eta apai-zek goizez.

HITZAK

• SARRAMARRA


Ganorazko gauza ez dena, hondarrak... *Harek jorria jaukane gehixena, olua, txidarra eta dana hortako sarramarria. / Kendu itzazue sarramarrok hemendik!*

• NEKEZA

Zaila. *Nekeza da hori dana buruz ikistia. Zail hitza nekez erabiltzen dute herriko zaharrek, nekez hitza erabiltzen dute, gehienbat.*

Jone Larrañagaren 'Antzuolako hizkera' liburutik

ATREBENTZIAEZPADA/ Asteburutan herrixan geratu ala kanpora juten zara?



MIKEL FORTUNA
18 urte

Egunian zihar Antzuolan geratzen gara, baiña gabian, *puntazua* emoten ba dosku Bergarara juten gara. Orain, gaiñera, Gaztetxerik ez daukogunez...



JOSE LOSADA
32 urte

Kanpora juten naiz juer-gara. Egubakoitzetan, zoezer, baiña bestela ez dago ezer. Gaiñera, pare bat taberna bakarrik dare pena merezi dabenak.



AMAIA LAZKANO
28 urte

Egixa esan, nik ez dot asko irtetzen. Afarixak eta darenian, egoten da ambientia, baiña egixa da bestela ez dagoela gauza askorik.



OLATZ ARRIETA
31 urte

Kanpora irtetzen dot; oraidala urte batzuk Zumarragara juten hasi nitzan eta han dauzkat lagunak; uste dot orain ambiente gehixago dagoela hemen.



ESMERALDA MORCILLO
22 urte

Kanpora juten gara normalian: Zumarragara, Bergarara... danetik pixka bat. Hemen ez dago ezer, eta jende gehixena juten da kanpora.

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegori 21, ANTZUOLA Tel.: 943 76 64 23

Igor eta Txomin

Margoak orokorrean

ANTZUOLA 609 157 131 BERGARA 609 150 164

Juan Cruz ARGAZKIAK

Herriko plaza 4. ☎ 943 78 70 66. ANTZUOLA